

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Pagano Et Arroni Comitibvs, & universis aliis Baronibus, Militibus, & populo
in regno carissimi in Christo filij nostri Leonis illustris Regis Armeniae
constitutis.

urn:nbn:de:hbz:466:1-20006

Rogamus igitur celstitudinem tuam & exhortamur attentiū, ac per apostolica tibi scripta mandamus, quatenus communem caussam privatæ præponens, & propriis commodis negotium præferens crucifixi, quantum in te fuerit pacem ad universos Christianos observans, ad defendendam hereditatem Domini & expugnandam barbariem Sarracenorum potenter intendas, nec ob hoc adversus Comitem vel alium bellum moveas, præsertim vivente Principe, qui, sicut in ejusdem litteris continetur, sic nepotem tuum de principatus successione laisivit ut sibi proprietatem & dominium quoad viveret retineret. Cùm autem ad partes illas Legati nostri pervenerint, caussam tuam non armis, sed legibus, non gladio vindice, sed justitia judge prosequaris. Nos enim eidem Comiti per apostolica scripta mandamus ut caussa ipsa in suo statu manente, nihil in præjudicium juris alterius attentare præsumat, sed Legatorum nostrorum, quibus cognitio nem & diffinitionem ipsius duximus committendam, expectet adventum. Ad hæc, dilectum filium nuntium tuum serenitati regia propensiū commendamus, ut de caro cum habeas de cetero cariorem. Præterea serenitati tuae gratiarum referimus actiones quòd nos per eundem nuntium tuum magnifice ac liberaliter visitasti. Datum Laterani XVI. Kal. Ianuarij.

*PAGANO ET ARRONI COMITIBVS,
& universis aliis Baronibus, Militibus,
& populo in regno carissimi in Christo filij
nostrī Leonis illustris Regis Armeniæ con-
stitutis.*

*Epiſt. 254.
Vi cum suo
Rege contra
Saracenos for-
tierit se gerant.
Exstat in Gēſiū
Innoſentij III.*

ET si modernis temporibus apostolice sedis receperitis instituta, secundum ea Domino in puritate cordis ac corporis servientes; is tamen qui matutinos & vespertinos operarios vineæ sua singulorum denariorum mercede remunerat, faciens novissimos primos & primos novissimos, bravum vobis largietur æternam, si catholicam Ecclesiam sponsam veri Salomonis, sub cuius capite, secundum quod ipsa protestatur in canticis canticorum, lava ejus, & dextra ejus ipsam jugiter amplexatur, fueritis humiliter venerati, & usque adeo vos zelus domus Domini comederit ut ad vindicandam injuriā crucifixi & templum & hereditatem ejus de paganorum

manibus liberandam, & res exposueritis & personas, Christum vobis vitam & mortem lucrum cum Apostolo reputantes. Gaudemus autem quòd et si novis Ecclesiæ Romanæ plantatio, novitas tamen in vobis virtutis operatur augmentum, & usque adeo vos reddit in fide ferventes, ut tanto ferventiores, in Christianorum omnium immo Christi auxilium assurgatis, quanto estis viciniores hostibus, & ex vicinitate melius & scitis & vultis eorum conatibus obviare. Nos autem de cariss. in Christo filij nostri Leonis Armeniæ Regis illustris sinceritate ac vestra devotione confisi, ei ad petitionem dilecti filii nobilis viri R. Militis nuntij ejus in nostræ dilectionis indicium vexillum beati Petri dirigimus, quo in hostes crucis duntaxat utatur, & eorum superbiam suffragantibus Apostolorum principis meritis, Domino concedente conculceret. Monemus igitur universitatem vestram & exhortamur in Domino, & in remissionem vobis in jungimus peccatorum, quatenus ad liberandum funiculum hereditatis dominicæ de manibus paganorum, & eorum refrenandam audaciam, & barbariem edomandam, cum eodem Rege vestro, sicut bene coepistis, potenter & viriliter intendatis; ut ejus sitis remissionis participes quam de Dei omnipotentis & beatorum Petri & Pauli Apostolorum ejus auctoritate confisi, omnibus transfrerantibus indulgemus. Datum Laterani XVI. Kal. Ianuarij.

*In eundem ferè modum nobilibus viris
Hug. de Tubaria, Rodulpho, & Ottoni
fratribus.*

ILLVSTRI REGI ARMENIAE.

ET tibi congaudemus & nobis, immo etiam universo populo Christiano, quòd eum tibi Dominus inspiravit affectum, ut apostolice sedis instituta devotè reciperes, & præcepta fideliter observares, & contra inimicos crucis propositum illud assumeres ut in eos vindicare cupias injuriam crucifixi & hereditatem ejus de ipsorum manibus liberare. Nos igitur de tuae devotionis sinceritate confisi, ad petitionem dilecti filii Roberti de Margat Militis, nuntij tui, in nostræ dilectionis indicium, vexillum beati Petri tuae serenitati dirigimus, quo in hostes crucis duntaxat uta-

Sff ij

*Epiſt. 255.
Transmittit
vexillum beati
Petri, quo con-
tra Crucis ini-
micos utatur.*

*Reſponſo ad
hanc epistolam
extat in Gēſiū
Innoſentij III.*